



Na osnovu člana 10. i 136. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10 i 42/12) i člana 5. i člana 9. Pravilnika o prijemu u vojnu službu („Službeni glasnik BiH“, broj: 69/12), u skladu sa Odlukom Ministarstva odbrane, broj: 10-34-3-2767-1/13 od 18.07.2013. godine, a sa ciljem popune upražnjenih formacijskih mjesta u Oružanim snagama Bosne i Hercegovine, Ministarstvo odbrane Bosne i Hercegovine, Hamdije Kreševljakovića broj: 98, 71000 Sarajevo, raspisuje:

JAVNI KONKURS

za prijem kandidata iz građanstva u profesionalnu vojnu službu
u početnom činu oficira Oružanih snaga Bosne i Hercegovine

I. KONKURS ZA PRIJEM KANDIDATA IZ REDA BOŠNJAČKOG NARODA OBJAVLJUJE SE ZA PUKOVE, KOMANDE, JEDINICE I RODOVE/SLUŽBE PO LOKACIJAMA

R/B	Jedinica	Rod - služba	Formacijska dužnost	Lokacija	Broj izvršilaca	Odgovarajuća stručna sprema za obavljanje FD
1.	4.pbr	pješadija	k-dir pješadijskog voda	Ustikolina	2	VSS VII stepen ili (u skladu sa odredbama Okvirnog Zakona o visokom obrazovanju BiH) I ciklus bolonjskog sistema studiranja
2.	5.pbr	pješadija	k-dir pješadijskog voda	Zenica	5	
3.	6.pbr	pješadija	k-dir pješadijskog voda	Bihać	3	
4.	KOİD	pješadija	k-dir pješadijskog voda	Banja Luka - Manjača	1	

II. KONKURS ZA PRIJEM KANDIDATA IZ REDA SRPSKOG NARODA OBJAVLJUJE SE ZA PUKOVE, KOMANDE, JEDINICE I RODOVE/SLUŽBE PO LOKACIJAMA

R/B	Jedinica	Rod - služba	Formacijska dužnost	Lokacija	Broj izvršilaca	Odgovarajuća stručna sprema za obavljanje FD
1.	4.pbr	pješadija	k-dir pješadijskog voda	Bileća	3	VSS VII stepen ili (u skladu sa odredbama Okvirnog Zakona o visokom obrazovanju BiH) I ciklus bolonjskog sistema studiranja
2.	5.pbr	pješadija	k-dir pješadijskog voda	Bijeljina	2	
3.	6.pbr	pješadija	k-dir pješadijskog voda	Banja Luka	4	
4.	6.pbr	pješadija	k-dir pješadijskog voda	Prijedor	1	

**III. KONKURS ZA PRIJEM KANDIDATA IZ REDA HRVATSKOG NARODA
OBJAVLJUJE SE ZA PUKOVE, KOMANDE, JEDINICE I RODOVE/SLUŽBE PO
LOKACIJAMA**

R/B	Jedinica	Rod - služba	Formacijska dužnost	Lokacija	Broj izvršilaca	Odgovarajuća stručna sprema za obavljanje FD
1.	4.pbr	pješadija	k-dir pješadijskog voda	Livno	3	VSS VII stepen ili (u skladu sa odredbama Okvirnog Zakona o visokom obrazovanju BiH) I ciklus bolonjskog sistema studiranja
2.	5.pbr	pješadija	k-dir pješadijskog voda	Kiseljak	4	
3.	6.pbr	pješadija	k-dir pješadijskog voda	Orašje	3	

**IV. KONKURS ZA PRIJEM KANDIDATA IZ REDA OSTALIH NARODA
OBJAVLJUJE SE ZA PUKOVE, KOMANDE, JEDINICE I RODOVE/SLUŽBE PO
LOKACIJAMA**

R/B	Jedinica	Rod - služba	Formacijska dužnost	Lokacija	Broj izvršilaca	Odgovarajuća stručna sprema za obavljanje FD
1.	KOİD	pješadija	k-dir pješadijskog voda	Banja Luka - Manjača	1	VSS VII stepen ili (u skladu sa odredbama Okvirnog Zakona o visokom obrazovanju BiH) I ciklus bolonjskog sistema studiranja

V. OPĆI UVJETI PRIJEMA U PROFESIONALNU VOJNU SLUŽBU

Shodno članu 9. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10 i 42/12) i članu 11. Pravilnika o prijemu u vojnu službu („Službeni glasnik BiH“, broj: 69/12), kandidati koji apliciraju za prijem u profesionalnu vojnu službu moraju ispunjavati sljedeće opće uvjete:

- a) da su državljani Bosne i Hercegovine;
- b) da su zdravstveno sposobni za službu u Oružanim snagama BiH;
- c) da nisu osuđivani na bezuvjetnu zatvorsku kaznu u trajanju dužem od 6 (šest) mjeseci;
- d) da nisu prethodno otpušteni iz državne službe ili pravnog lica zbog povrede službene dužnosti u posljednje tri godine;
- e) da im pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane;
- f) da se protiv njih ne vodi krivični postupak za krivično djelo za koje se goni po službenoj dužnosti;
- g) da imaju odgovarajuću stručnu spremu potrebnu za obavljanje dužnosti oficira;
- h) da nisu mlađi od 18 (osamnaest) godina niti stariji od 27 (dvadeset sedam) godina u vrijeme prijema i
- i) da su uspješno završili osnovnu oficirsku obuku.

Obuka iz tačke i) ovog poglavlja organizirati će se i provesti u Oružanim snagama BiH u skladu sa tematskim planovima osnovne oficirske obuke sa kandidatima koji budu odabrani za prijem u profesionalnu vojnu službu.

VI. POŠEBNI UVJETI PRIJEMA U PROFESIONALNU VOJNU SLUŽBU ZA POPUNU UPRAŽNjenih FORMACIJSKIH MJESTA OFICIRA

1. Kandidati koji apliciraju za prijem u profesionalnu vojnu službu moraju ispunjavati sljedeće posebne uvjete:

- a) da su položili test fizičke spremnosti prema propisanim normama (eliminacijski prag je 50 bodova po svakoj pojedinačnoj disciplini testa);
- b) da su položili test općeg znanja (eliminacijski prag je 60% od maksimalnog broja bodova);
- c) da su položili test engleskog jezika ALCPT (eliminacijski prag je 60% od maksimalnog broja bodova);
- d) da su položili test fizičke kondicije (blip test) i
- e) poznavanje rada na računaru.

VII. OPIS POSLA

Po završetku osnovne oficirske obuke, proizvođenja u oficira čina potporučnika pješadije i prijema u profesionalnu vojnu službu, potporučnik se postavlja na formacijsko mjesto komandira voda pješadije. Oficir profesionalnu vojnu službu obavlja u skladu sa Zakonom o odbrani, Zakonom o službi u Oružanim snagama BiH, Pravilom službe u Oružanim snagama BiH, Strojevim pravilom i drugim propisima koji reguliraju profesionalnu vojnu službu. Od oficira se očekuje postizanje najviših standarda, na profesionalnom i ličnom nivou i da borave i rade u uvjetima koji su primjereni vojničkom životu, što podrazumijeva određena ograničenja u odnosu na obaveze i prava civila.

VIII. TESTIRANJE KANDIDATA

Kandidati će u procesu odabira i selekcije kroz tri faze biti podvrgnuti obaveznom testiranju i provjerama.

Prva faza:

Prva faza provjere se provodi u centrima za regrutiranje i tranziciju u Sarajevu, Banjoj Luci, Čapljini i Tuzli i podrazumijeva:

- test fizičke spremnosti,
- test općeg znanja i
- test engleskog jezika.

Kandidati će biti obavezni, prije pristupanja testu provjere fizičke spremnosti, potpisati izjavu o zdravstvenoj sposobnosti. Ministarstvo odbrane BiH ne preuzima obavezu zdravstvene zaštite i osiguranja kandidata za vrijeme procesa selekcije. Ove obaveze će se posebnim dokumentima regulirati početkom osnovne oficirske obuke kandidata.

Svi kandidati koji postignu rezultate iznad eliminacijskog praga se boduju i čine rang liste uspješnosti po lokacijama na koje su se kandidirali.

U drugu fazu provjera idu dvjestodvadesetčetiri (224) najbolje rangirana kandidata (vodeći računa o nacionalnoj i spolnoj zastupljenosti) i to kako slijedi:

- sa rang lista lokacija na koje se prima pet (5) kandidata, tridesetpet (35) najbolje rangiranih kandidata;
- sa rang lista lokacija na koje se primaju četiri (4) kandidata, dvadesetosam (28) najbolje rangiranih kandidata;
- sa rang lista lokacija na koje se primaju tri (3) kandidata, dvadesetjedan (21) najbolje rangiranih kandidata;

kandidat;

- sa rang lista lokacija na koje se primaju dva (2) kandidata, četrnaest (14) najbolje rangiranih kandidata i
- sa rang lista lokacija na koje se prima jedan (1) kandidata sedam (7) najbolje rangiranih kandidata.

Provjere prve faze traju jedan dan i nije osigurana ishrana kandidata.

Kandidati koji ispunjavaju opće i posebne uvjete i koji prilože svu potrebnu dokumentaciju, bit će naknadno obaviješteni putem telefona i pisanog poziva o vremenu i mjestu provjere testa općeg znanja, testa fizičke spremnosti i testa poznavanja engleskog jezika.

Norme za provjeru fizičke spremnosti dostupne su na službenoj internet stranici Ministarstva odbrane BiH (www.mod.gov.ba).

Druga faza:

Druga faza provjere se realizira u Komandi obuke i doktrine u Travniku i podrazumijeva testiranje liderskih sposobnosti kandidata kroz sljedeće vrste testova:

- test fizičke kondicije (blip test),
- test sposobnosti pisanja,
- psihometrijski test,
- grupna diskusija,
- test liderskih sposobnosti, uključujući prepreke, zadatke bez vođe i zadatke sa vođom,
- poligon s preprekama-individualno,
- timska trka s preprekama,
- vježba planiranja i
- prezentacijske sposobnosti.

U drugoj fazi provjera eliminatoran je samo test fizičke sposobnosti i kondicije (blip test), dok se kod ostalih boduje i zbraja uspjeh svakog kandidata na svakoj provjeri. Osvojeni bodovi svih kandidata se rangiraju i čine jedinstvenu rang listu svih kandidata. Tridesetdva (32) najbolje rangirana kandidata, vodeći računa o etničkoj i spolnoj zastupljenost, upućuju se u treću fazu provjera.

Provjere druge faze traju četiri dana i tada je osiguran smještaj i ishrana kandidata.

Treća faza:

Treća faza provjera obuhvata:

- ljekarski pregled i
- sigurnosne provjere.

Za sve kandidate koji uđu u treću fazu provjera za prijem u profesionalnu vojnu službu, Ministarstvo odbrane će organizirati ljekarski pregled i izvršiti osnovnu sigurnosnu provjeru. U vojnu službu neće biti primljeni kandidati koji ne zadovolje na ljekarskom pregledu i za koje se tokom osnovne sigurnosne provjere utvrdi postojanje sigurnosne smetnje iz člana 59. Zakona o zaštiti tajnih podataka Bosne i Hercegovine ("Službeni glasnik BiH", broj:54/05 i 12/09).

Umjesto kandidata koji ne zadovolje na ljekarskom pregledu ili sigurnosnoj provjeri, na ove provjere bit će upućeni sljedeći kandidati sa rang liste, vodeći računa o etničkoj i spolnoj zastupljenosti.

Kandidati koji budu oglašeni zdravstveno sposobnim za vojnu službu i ne budu imali sigurnosnu smetnju, upućuju se na osnovnu oficirsku obuku.

Kandidati koji ne zadovolje u bilo kojoj fazi provjere ili odustanu od provjera bit će eliminirani iz daljnjeg procesa odabira. O eliminaciji kandidata odlučuje Komisija za odabir i o istom obavještava kandidate.

IX. OSNOVNA OFICIRSKA OBUKA

Osnovna oficirska obuka traje četrdesetčetiri (44) sedmice i odvija se u centrima za obuku Oružanih snaga Bosne i Hercegovine u Pazariću i Travniku, prema posebnom planu oficirske obuke. Prava i obaveze između kandidata za prijem u profesionalnu vojnu službu i Ministarstva odbrane BiH se reguliraju posebnim ugovorima o osnovnoj oficirskoj obuci. Kandidati koji ne završe obuku ili dobrovoljno odustanu, neće biti primljeni u profesionalnu vojnu službu.

X. PRIJEM U PROFESIONALNU VOJNU SLUŽBU

Kandidati koji uspješno završe osnovnu oficirsku obuku zaključuju sa Ministarstvom odbrane Bosne i Hercegovine ugovor o prijemu u profesionalnu vojnu službu i postavljaju se na odgovarajuće formacijsko mjesto, prema njihovim preferencama, ako je odgovarajuće formacijsko mjesto u puku, komandi, jedinici, rodu, odnosno službi, po njihovom izboru, slobodno. Ako odgovarajuće formacijsko mjesto u puku, komandi, jedinici, rodu, odnosno službi nije slobodno, kandidatu će biti ponuđena mogućnost prihvatanja drugog formacijskog mjesta unutar Oružanih snaga BiH. Ako kandidat odbije alternativno formacijsko mjesto, oslobađa se službe bez ikakvih daljnjih obaveza.

Niti od jednog kandidata, po završetku osnovne oficirske obuke, neće biti traženo da se protiv svoje volje priključi nekom puku, komandi, jedinici, rodu, odnosno službi.

XI. PRAVA I OBAVEZE LICA KOJA BUDU PRIMLJENA U PROFESIONALNU VOJNU SLUŽBU U ORUŽANE SNAGE BOSNE I HERCEGOVINE

Prava i obaveze lica koja budu primljena u profesionalnu vojnu službu definirana su Zakonom o odbrani Bosne i Hercegovine („Službeni glasnik BiH”, broj: 88/05) i Zakonom o službi u Oružanim snagama BiH („Službeni glasnik BiH”, broj: 88/05, 53/07, 59/09, 74/10 i 42/02), podzakonskim i drugim normativnim dokumentima Ministarstva odbrane BiH. Lica primljena u profesionalnu vojnu službu obavezuju se da će dati svoj puni doprinos na usvajanju znanja i vještina na raznim vidovima obuke u organizaciji Ministarstva odbrane BiH i Oružanih snaga BiH u zemlji i inozemstvu, te na obavezu služenja u rezervnom sastavu Oružanih snaga BiH. Također će težiti na svom ličnom vojno-stručnom usavršavanju kroz razne vidove edukacije i školovanja. Lice primljeno u profesionalnu vojnu službu se obavezuje, da će u sastavu jedinica Oružanih snaga BiH, uzeti učešće u ispunjavanju obaveza Bosne i Hercegovine u operacijama podrške miru u inozemstvu.

XII. PRAVA I OBAVEZE MINISTARSTVA ODBRANE BOSNE I HERCEGOVINE

Ministarstvo odbrane BiH će u postupku odabira isključivati kandidate za prijem u profesionalnu vojnu službu zbog: neispunjavanja općih i posebnih uvjeta konkursa, sigurnosnih smetnji, zdravstvene nesposobnosti utvrđene zdravstvenim pregledom i drugih provjera prema propisima za prijem u profesionalnu vojnu službu.

Ministarstvo odbrane BiH će jednostrano i bez naknadnih obaveza odbiti prijavu kandidatu u bilo kome trenutku u postupku prijema, ako je kandidat prikrilo smetnju (sigurnosnu, zdravstvenu ili dr.) za prijem, koja je postojala u vrijeme prijave na Javni konkurs ili ukoliko se naknadno utvrdi postojanje sigurnosne smetnje ili kandidat počini djelo koje se smatra sigurnosnom smetnjom iz člana 59. Zakona o zaštiti tajnih podataka Bosne i Hercegovine („Službeni glasnik BiH”, broj:54/05 i 12/09).

Ministarstvo odbrane BiH će prema kandidatima koji budu primljeni u profesionalnu vojnu službu izvršiti sve obaveze definirane Zakonom o odbrani Bosne i Hercegovine i Zakonom o službi u Oružanim snagama BiH, podzakonskim i drugim normativnim aktima Ministarstva odbrane BiH, te će lice primljeno u profesionalnu vojnu službu postaviti na odgovarajuće formacijsko mjesto u skladu sa njegovim sposobnostima, rezultatima osnovne obuke i izvršene klasifikacije vojnih lica po specijalnostima, osigurati plaću i druga novčana primanja koja tom licu pripadaju, prava iz penzijskog, invalidskog i zdravstvenog osiguranja, kao i druga prava koja im pripadaju u skladu sa Zakonom o službi u Oružanim snagama BiH.

Ministarstvo odbrane BiH će licima koja budu primljena u profesionalnu vojnu službu omogućiti unapređenje, te daljnje usavršavanje i vojno stručno osposobljavanje, u skladu sa pokazanim rezultatima u obavljanju profesionalne vojne službe i važećim propisima.

XIII. OSTALO

1. Komisija za izbor, pri odlučivanju o prijemu, vodit će računa o ravnomjernoj zastupljenosti konstitutivnih naroda i pripadnika iz reda ostalih naroda.
2. Prilikom odabira kandidata za prijem u vojnu službu vodit će se računa o ravnopravnoj zastupljenosti spolova u skladu sa Zakonom o ravnopravnosti spolova („Službeni glasnik BiH”, broj:16/03, 102/09 i 32/10).
3. Nijedna prijava neće biti izuzeta iz razmatranja isključivo na osnovu spola, rase, boje kože, jezika, religije, političkog ili drugog ubjeđenja, nacionalnog ili socijalnog porijekla, pripadnosti nacionalnim manjinama, imovine, rođenja ili drugog statusa kandidata.
4. Kandidati su obavezni dostaviti sljedeću dokumentaciju:
 - a) popunjenu i potpisanu prijavu sa biografijom (obrazac na službenoj internet stranici Ministarstva odbrane BiH www.mod.gov.ba);
 - b) uvjerenje o državljanstvu na novom obrascu ili ne starije od 6 mjeseci;
 - c) izvod iz matične knjige rođenih na novom obrascu ili ne stariji od 6 mjeseci;
 - d) ovjerena kopija diplome o stečenoj stručnoj spremi ili dokaz o nostrifikaciji, za diplome koje nisu stečene u Bosni i Hercegovini, uz utvrđen ekvivalent stručne spreme prema konkursom zahtijevanom stepenu školske spreme, koju je izdao nadležni organ u Bosni i Hercegovini;
 - e) potvrda ili uvjerenje institucije/pravnog lica da u posljednje tri godine nije otpušten zbog povrede službene dužnosti (za kandidate koji su bili ili su još uvijek zaposleni);
 - f) prijava prebivališta CIPS-a (ne starija od šest mjeseci) i
 - g) dokaz o poznavanju rada na računaru;

Napomena: Nadležni sektor Ministarstva odbrane će naknadno, po službenoj dužnosti, utvrditi da li kandidati ispunjavaju opće uvjete, koji se odnose na činjenice iz poglavlja V. tačka c), tačka e) i tačka f) ovog javnog konkursa, i to za kandidate koji su ušli u uži izbor za prijem u profesionalnu vojnu službu u Oružane snage BiH.

5. Prijave sa pratećom dokumentacijom neće biti prihvaćene kandidatima koji na datum zaključivanja konkursa nisu navršili 18 (osamnaest) godina, kao ni kandidatima koji će na dan potpisivanja ugovora o prijemu u profesionalnu vojnu službu (01.01.2015. godine) biti stariji od 27 (dvadeset sedam) godina života.
6. Potrebne informacije i obrasce prijave kandidati mogu dobiti od centara za regrutiranje i tranziciju na sljedećim lokacijama:
 - a) Sarajevo (Kasarna „Rajlovac“), Ulica Safeta Zajke bb, tel.033/773-437;
 - b) Banja Luka (Kasarna „Kozara“), Knjaza Miloša bb, tel.051/335-886;
 - c) Čapljina (Kasarna „Božan Šimović“), Grabovina bb, tel.036/811-084;

- d) Tuzla (Vojna baza „Aerodrom Dubrave“), tel.035/814-954;
e) ili preuzeti na službenoj internet stranici Ministarstva odbrane BiH (www.mod.gov.ba).
7. Nakon završene konkursne procedure, u roku od 6 mjeseci, kandidati koji ne budu primljeni u profesionalnu vojnu službu mogu preuzeti dokumentaciju u centrima za regrutiranje i tranziciju na lokacijama navedenim u tački 6. poglavlja XIII. ovog javnog konkursa.
8. Nepotpune, neblagovremene i neuredne prijave, kao i kopije tražene dokumentacije koje nisu ovjerene, neće se uzeti u razmatranje. **Rok za predaju prijava sa pratećom dokumentacijom na Javni konkurs je 24.10.2013.godine (uključno).**
9. Prijave na Javni konkurs sa propisanom dokumentacijom dostaviti putem poštanske službe preporučeno na adresu:

MINISTARSTVO ODBRANE BiH
ORUŽANE SNAGE BiH
KOMANDA ZA UPRAVLJANJE PERSONALOM
ul. Knjaza Miloša bb
Kasarna „Kozara“
78000 Banja Luka
sa naznakom “za Javni konkurs za prijem oficira u PVS”

Broj: 10-34-3-2767-4-2/13
Sarajevo, 30.09.2013. godine



MINISTAR

Zekerijah Osmić, dipl. oec.